



CANTIK

AR PAP HAG ANN ILIZ



Ton : *Chelaouet gant spont ha e eston*; pe : *Dom Henry II*, pe : *Deut, me ho ped, Spered Santel* ...

DISKAN :

- « Ar Pap e Breiz a zo karet,
- « Breiz gant ar Pap so bennighet ;
- « A greiz kalon gant hor peden
- « Ni roi d'ar Pap hon aluzen. »

Jesus, abarz kuitât ar bed
En deuz bet he Iliz savet,
Pobl ha famill ann dud fidêl,
A gherz d'ar vuez éternel.

Eur bar gresset enn eur wezen
Frouez blazet-mad a hell doughen ;
Buez ar c'hristen so gresset
War Jesus-Christ, Salver ar bed.

D'ar c'horv eunn ene so krouet
Da rei d'e-omp baez ha ghened ;
Ann Iliz e deuz 'ni l ene
Ar Spered-Santel, gwir Doue.

D'ann oll e ro nerz , sclerijen ,
Evit beva gwir ghrstenien :
D'ar Veleien , d'ar Bastored
Pebez galloud all so roet ?

Penn ann Iliz , er baradoz ,
Eo Jesus-Christ , ouz hon gortoz ;
Da benn ann Iliz er bed-mân
Simon a oa laket gant-han.

Per eo bet evit-se hanvet ,
Ha war Ber ann Iliz savet :
Ar roc'h so trec'h d'ar gwaghennou
Per a vo trec'h d'ann iferniou .

Ar Pap a zo e-lec'h San-Per ,
Evel-t-han vikel hor Salver ;
San-Per oa penn ann Ebrestel ,
Ar Pap penn ann Eskeb fidel .

Enor braz d'ar Pap a zougher ,
D'he dreid e stour , e poker ;
Gant ar Pap ann oll so reizet ,
Pastored kerkouls ha denved .

Ar Pap a ro da bep Iliz
Eur gwir Escop hervez ar reiz ,
Ar re n'en defe ket kasset
Na vent nemet falz Pastored .

Ar Pab hepken a dle disk
Petra da ober, da gredi ;
Hen eo ar barner war ar Feiz ,
Ra kement a varn a zo reiz .

Pa gomz ar Pab ouz ann Iliz ,
Plegomp her pennou, ma Broïz ;
Ar pez en deuz bet diskleriet
So comz Doue, ne fazi ket.

Ouz-penn ar Pap a zo roue ,
N'en deuz ken mestr nemet Doue ;
N'hell beza dindan lezen den
Ann neb a ra d'ann oll lezen .

D'ar Person eunn ti er barrez ,
D'ar Pap er bed eur rouantelez ;
Bro-Rom a zo douar San-Pèr ,
Eno pep christen so er gher .

Tud, ann ifern énn ho ene ,
A glask na ve ar Pap roue ;
Mès roc'h ann Iliz so kalet
Nep stok out-hi so bruzunet .

Evit hor prena Map Doue
En deuz roet goad ha bue ;
Evit he Iliz, he difenn ,
E kaver iveau goad christen .

Eur sell hepken, na welit ket
Ann dud-ze da R̄om diredet,
Prest da rei ho goad, ho bue,
Evid ar Pap, evit Doue!

Enor eta d'ar *Zouaved*
Tud a galon, mar so er-bed;
Ar maro a hell ho diskær,
Doue ho sâv da vont d'ar gloar:

Mil bennoz d'ar familiou-ze
A ro d'ar Pap ho buzale!
Bennoz d'ann nep ro be *ziner*
Da Jesus, d'ar Pap, da San-Per!

Imprimatur et cantetur.

Corisopiti, die 19 Febr. 1868.

E. EVRARD,

Vic. Gén.

Hon bennoz d'ann hini ann eus great ar c'chantik-
kaër-man, ha da gement-hini hen kanō.

+ A O G U S T I N ,

Eskop Sant-Briek ha Landreger.